



Concello de Vigo

RESOLUCIÓN ALCALDÍA

MODIFICACIÓN RESOLUCIÓN DE DELEGACIÓNS DE ALCALDÍA DE DATA 19 DE XUÑO DE 2015

O Pleno do Concello de Vigo en sesión ordinaria do día 26 de outubro de 2015 acordou modificar, con efectos de data 01/01/2016, e de conformidade co previsto no art. 123.k) da Lei 7/1985, de 2 de abril, Reguladora das bases do réxime local, na súa redacción dada pola Lei 57/2003, de 16 de decembro, de Medidas para a modernización do Goberno Local, a modalidade de xestión dos servizos públicos de educación, lecer e tempo libre e deportes de xestión directa mediante a modalidade de “organismo autónomo local” a xestión directa na modalidade de “xestión polo propio Concello de Vigo”.

Consecuencia da dita modificación de modalidade de xestión, o Pleno do Concello nese mesmo acordo do 26 de outubro de 2015, apartado segundo, acordou así mesmo dar por extinguidos os organismos autónomos Parque das Ciencias Vigo-Zoo, Instituto Municipal dos Deportes (IMD) e Escola Municipal de Artes e Oficios (EMAO).

Por outra banda, a Xunta de Goberno Local, na súa sesión ordinaria do 15 de xaneiro de 2016 aprobou, entre outros, a Modificación puntual da vixente Relación de Postos de Traballo do Concello de Vigo no tocante ao posto de traballo código 220.01 “xefe/a servizo Recursos Humanos”, código retributivo 625, titulación académica 1, pasando a denominarse o dito posto: “xefe/a Área de Recursos Humanos e Formación”, código retributivo 615, titulación académica 6, a fin de iniciar o proceso de reestruturación organizativa e funcional interno na xestión de recursos humanos.

Vistos este antecedentes e, cara á integración dos servizos que se viñan prestando nos extinguidos organismos autónomos na organización e no corrente funcionamento do Concello de Vigo, así como á reestruturación organizativa e funcional na xestión de recursos humanos, considérase necesaria a realización de axustes na Resolución de delegación de competencias ditada por esta Alcaldía-Presidencia en data 19 de xuño de 2015.

Consecuentemente, no uso da potestade de dirección do goberno e das organizativas e estruturais que, en relación coa Administración Municipal, ostenta esta Alcaldía –art. 124.4, Lei 7/1985, Reguladora das Bases de Réxime Local- e de conformidade co previsto nos artigos 43 e seguintes do RD 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Corporacións Locais,

RESOLVO:

Primeiro.- Modificar a **RESOLUCIÓN DE DELEGACIÓN DE COMPETENCIAS**, ditada por esta Alcaldía-Presidencia en data 19 de xuño de 2015, no tocante ás áreas **“VIII.- AREA DE MEDIO AMBIENTE E VIDA SAUDABLE”**, **“XIII.- ÁREA DE DEPORTES”** E **“XIV ÁREA DE EDUCACIÓN”** e, en consecuencia:

--O apartado 22.- da **“VIII.- AREA DE MEDIO AMBIENTE E VIDA SAUDABLE”** co texto *“Ostentar a Presidencia do organismo Autónomo Municipal “Parque Natural das Ciencias-Vigo Zoo”, dirixíndoo e xestionándoo de acordo cos Estatutos os servizos e actividades que presta e realiza.”*

Queda redactado do seguinte xeito:

22.- Dirixir e xestionar o “Parque Natural das Ciencias-Vigo Zoo” integrado no Servizo de Medio Ambiente.

--O apartado 3.- da **“XIII.- AREA DE DEPORTES”** co texto: *“A Presidencia do organismo autónomo municipal “Instituto Municipal de Deportes (IMD) coa totalidade das competencias que os Estatutos recoñecen a ese órgano.”* e o apartado 4.- co texto: *“Dirixir e xestionar as actuacións necesarias para o mantemento e conservación das instalacións deportivas municipais non adscritas ó IMD, en especial o Estadio Municipal de Balaídos propoñendo con referencia ó mesmo as actuacións axeitadas que se estimen convenientes que deberán ser estudadas e debatidas no seo da correspondente comisión.”*

Quedan redactados do seguinte xeito:

3.- Dirixir e xestionar o servizo municipal de Deportes no que queda integrada a totalidade da actividade incluída nesta área.

4.- Dirixir e xestionar as actuacións necesarias para o mantemento e conservación das instalacións deportivas municipais, en especial o Estadio Municipal de Balaídos propoñendo con referencia ó mesmo as actuacións axeitadas que se estimen convenientes que deberán ser estudadas e debatidas no seo da correspondente comisión.

--O apartado 17.- da **“XIV.- AREA DE EDUCACIÓN”** co texto: *“Ostentar a Presidencia do “Organismo Autónomo Municipal da Escola de Artes e Oficios”, dirixindo e xestionando, de acordo cos Estatutos, os servizos e actividades que presta e realiza.”*

Queda redactado do seguinte xeito:



Concello de Vigo

- 17.- Dirixir e xestionar os servizos que presta e realiza a Escola Municipal de Artes e Oficios, quedando esta integrada no servizo de Educación.

Segundo.- Modificar a **RESOLUCIÓN DE DELEGACIÓN DE COMPETENCIAS**, ditada por esta Alcaldía-Presidencia en data 19 de xuño de 2015, no tocante á **“III.- AREA DE XESTIÓN MUNICIPAL, PERSOAL, PATRIMONO E ADMINISTRACIÓN ELECTRÓNICA”** e, en consecuencia modificar o apartado **“c) En materia de Réxime Interior: 1.- Dirixir e xestionar as dependencias de Recursos Humanos, Rexistro Xeral, Arquivo e Estatística, ademais da Unidade de Conserxería e Notificación.”**

Queda redactado do seguinte xeito:

c) En materia de Réxime Interior:

- 1.- Dirixir e xestionar as dependencias de Rexistro Xeral, Arquivo e Estatística, ademais da Unidade de Conserxería e Notificación.

Terceiro.- Refundir a presente Resolución coa Resolución de 19 de xuño de 2015 a efectos de ofrecer un único instrumento claro e estruturado en relación coas delegacións da Alcaldía nos concelleiros delegados de áreas.

Cuarto.- Notificar esta Resolución aos concelleiros e xefes das diferentes áreas e servizos municipais afectados. Informar dela mediante a Intranet municipal.

Quinto.- A presente Resolución entrará en vigor no mesmo momento da súa sinatura sen prexuízo da súa publicación no Boletín Oficial da Provincia, conforme co establecido no art. 44.2 do RD 2568/1986 e na sede electrónica municipal conforme co disposto no artigo 6 da Lei 19/2013, do 9 de decembro, de Transparencia, Acceso á Información Pública e Bo Goberno.

Sexto.- Da presente Resolución de conformidade co establecido no art. 44.4 do RD 2568/1986, en relación co 38.d) do mesmo corpo legal, darase conta de forma individualizada ao Pleno da Corporación para os efectos de que quede informado da mesma.

CCA/rs

Vigo, 15 de xaneiro de 2016

O ALCALDE

A SECRETARIA DO GOBERNO LOCAL

Abel Caballero Álvarez



M^a Concepción Campos Acuña

